

欽定四庫全書薈要

集部

別集類

吉林出版集團有限責任公司
海天出版社

目次

書名	卷次	頁次	作者
劍南詩藁	卷一—卷三九	三八九—一	宋・陸游撰
卷首		三八九—二	
卷一		三八九—二三	
卷二		三八九—四三	
卷三		三八九—六三	
卷四		三八九—八三	
卷五		三八九—一〇二	
卷六		三八九—一二七	
卷七		三八九—一三四	
卷八		三八九—一五四	
卷九		三八九—一七一	
卷一〇		三八九—一八九	
卷一一		三八九—二一〇	
卷一二		三八九—二三〇	
卷一三			

書名	卷次	頁次	作者
卷一四		三八九—二五一	
卷一五		三八九—二七一	
卷一六		三八九—二八八	
卷一七		三八九—三〇六	
卷一八		三八九—三二七	
卷一九		三八九—三四六	
卷二〇		三八九—三六六	
卷二一		三八九—三八〇	
卷二二		三八九—三九五	
卷二三		三八九—四〇七	
卷二四		三八九—四二一	
卷二五		三八九—四三三	
卷二六		三八九—四四七	
卷二七		三八九—四六〇	
卷二八		三八九—四七三	
卷二九		三八九—四八五	
卷三〇		三八九—四九九	
卷三一		三八九—五一二	

書 名	卷三二 卷三三 卷三四 卷三五 卷三六 卷三七 卷三八 卷三九
卷 次	
頁 次	三八九—五二五 三八九—五三七 三八九—五五一 三八九—五六四 三八九—五七七 三八九—五八九 三八九—六〇六 三八九—六二〇
作 者	

欽定四庫全書薈要

集部
劍南詩彙卷一

欽定四庫全書薈要

劍南詩彙

提要



臣等謹案劍南詩彙八十五卷宋陸游撰游仕履詳渭南文集提要中此彙為其子虞所編稱劍南者游嘗官劍南樂其風土有終焉之志故以名其詩集也南渡後詩家游與范成大得聲最盛成大帥成都游為幕僚吟詠相契以文字交不拘禮法而游詩春容超逸之致實非成大所及

御選唐宋詩醇於宋祇取兩家而以游與蘇軾並登洵其為大家矣乾隆四十三年二月恭校上

總纂官臣紀昀臣陸錫熊臣孫士毅

總校官臣陸費墀

詳校官助教臣謝登雋

欽定四庫全書

劍南詩彙
提要

欽定四庫全書薈要卷一萬五千四百九十一

集部

劍南詩彙卷一

別曾學士

宋 陸游 撰

兒時聞公名謂在千載前稍長誦公文雜之韓杜編夜
輒夢見公皎若月在天起坐三歎息欲見亡繇緣忽聞
高軒過驩喜忘食眠袖書拜轅下此意私自憐道若九
達衢小智忘鑿穿所願瞻德容頑固或少痊公不謂狂

欽定四庫全書

劍南詩彙
卷一

疎屈體與周旋騎氣動原陞霜日明山川匏繫不得從
瞻望抱悵悵畫石或十日刻楮有三年賤貧未即死聞
道期華顛他時得公心敢不知所傳

送仲高兄宮學秩滿赴行在

兄去游東閣才堪直北扉莫憂持橐晚姑記乞身歸道
義無今古功名有是非臨分出苦語不敢計從違

題閭郎中溧水東臯園亭

省中地禁清晝長侍史深注黨籠香榮名挽公公不住

東臯歸去栽花忙氍毹華髮映朱紱同舍半已排雲翔

正如少陵入嚴幕本自不用尚書郎向令封侯佩金印

不然草詔直玉堂萬鍾會作夢幻過三徑空嘆松菊荒

樂天十年履道宅贊皇一夕平泉莊公看富貴定何物

一笑乃復坐此坊東臯樂哉日成趣簪花起舞當自強

知公能容賤子狂請賦式微之二章

和陳魯山十詩以孟夏草木長遶屋樹扶疎為韻

言語日益工風節顧弗競杞柳為栝櫟此豈真物性病

欽定四庫全書

劍南詩彙
卷一

夫背俗馳梁甫時一詠奈何七尺軀貴賤視趙孟

又

唐虞亦人耳四海可高謝哀哉斗升故諂妄兩憑架心

明物自賓能整故能暇會當棄人事面壁度九夏

又

大父昔在朝騰上唯恐早淡然清班中灰寒而木槁議

論主中和人才進耆老至今下馬墳不生刺人草

又

櫻酪事已過角黍配夏熟尚憶少小時綠縷繫腕玉此生本幻戲衰態轉眼足三郎老無憀始解歎絲木

又

門無容車高庭止旋馬廣富貴固易耳正恐卿慙長時情競脂韋家法獨翫髡靜處看紛紛桔槔勞頰仰

又

至人貴其身不使事物遠捐身易富貴明珠彈飛鳥我願稱善人題作墓上表從來尺鷃樂不羨飛鴻矯

又

匆匆過三十夢境日已感誰知歎亡羊但有喜得鹿本來亦何面認此逆旅屋逢人吹布毛出世不忍獨

又

杜門殊省事百巧輸一麤燒香淨埽地袖手了朝莫君看瓦甌手端自勝金注塵機早見貸不待雞竿樹

又

萬物備於我本來無欠餘雲儒可憐生西抹復東塗斯

欽定四庫全書

劍南詩集
卷一

三

丈如大厦傾壞要力扶犬子真鼠輩辛苦賣子虛

又

風花憐寂莫起舞為我娛舉酒謝風花吾道殊不疎汝開何自有汝落何自無居然會此理吾汝皆如如

看梅絕句

梅花宜寒更宜陰摩挲拄杖過溪尋幽香著人索管領不信如今鐵石心

又

梅花樹下黃茆丘古人尚能愛花不月淡煙深聽牧笛死生常事不須愁

又

荒陂十畝浴鳬鴨折葦枯蒲寒意深何處得船滿載酒醉時繫著古梅林

又

一物不向胃次橫醉中談詭坐中傾梅花有情應記得可惜如今白髮生

欽定四庫全書

劍南詩集
卷一

四

又

老子舞時不須拍梅花亂插烏巾香尊前作劇莫相笑
我死諸君思此狂

春晚簡陳魯山

春工我輩人可許不待面欲老更增奇原野紅綠遍向
來苦摧傷零雨雜飛霰豈知袖此手天定乃徐見吾齋
萬花間輕衫稱團扇飛花點書冊戲蝶遊几研吾衰未
忘情小句亦倩絢持問陳元龍試乞語一轉

欽定四庫全書

別南詩集
卷一

五

寄酬曾學士學宛陵先生體比得書云所寓廣教

僧舍有陸子泉每對之輒奉懷

庭中下午鵲門外傳遠書小印紅屈蟠兩端黃蠟塗開
緘展矮紙滑細疑卵膚首言勞良苦後問逮妻孥中間
勉以仕語意極勤渠字如老瘠竹墨淡行疎疎詩如古
鼎篆可愛不可摹快讀醒人意垢癢逢爬梳細讀味益
長矣轂出膏腴行吟坐卧看廢食至日晡想見落筆時
萬象聽指呼亦知題詩處綠井石髮麤公閒計有客煎

茶置風爐倘公無客時濯纓亦足娛井名本季疵思人
理豈無居然及賤子魏謝恩意殊幾時得從公舊學鋤
荒蕪古文講聲形誤字辨魯魚時時酌井泉露芽奉瓢
盂不知公許否因風報何如

夜讀兵書

孤燈耿霜夕窮山讀兵書平生萬里心執戈王前驅戰
死士所有恥復守妻孥成功亦邂逅逆料政自疎陂澤
號飢鴻歲月欺貧儒歎息鏡中面安得長膚腴

欽定四庫全書

別南詩集
卷一

六

二月二十四日作

棠梨花開社酒濃南村北村鼓鑿鑿且祈麥熟得飽飡
敢說穀賤復傷農崖州萬里竄酷吏湖南幾時起卧龍
但願諸賢集廊廟書生窮死勝侯封

送曾學士赴行在

二月侍燕觴紅杏寒未拆四月送入都杏子已可摘流
年不貸人俯仰遂成昔事賢要及時感此我心惻欲書
加餐字寄之西飛翮念公為民起我得怨乖隔搖搖跂

前旌去去望車軌亭郵鬱將莫落日澹陂澤敢忘國士
風涕泣效臧獲敬輸千一慮或取二三策公歸對延英
清問方側席民瘼公所知願言寫肝膈向來酷吏橫至
今有遺孽織羅士破膽白著民碎魄詔書已屢下宿蠹
或未革期公作醫和湯劑窮絡脉士生恨不用得位忍
辭責併乞謝諸賢努力光竹帛

霖夜觀月

雲重真愁無散時可憐不奈一風吹清輝如此那休得

欽定四庫全書

劍南詩集
卷一

誰悞虛空作許癡

新夏感事

百花過盡綠陰成漠漠爐香睡晚晴病起兼旬疎把酒
山深四月始聞鶯近傳下詔通言路已卜餘年見太平
聖主不忘初政美小儒唯有涕縱橫

留題雲門草堂

小住初為旬月期二年留滯未應非尋碑野寺雲生屨
送客溪橋雪滿衣親滌硯池餘墨漬卧看爐面散煙霏

他年遊宦應無此早買漁蓑未老歸

送韓梓秀才十八韻

束髮走場屋始得從君遊燈火都城夜風雨湖上秋追
隨不隔日巖壑窮探搜摩挲石屋背搖兀閭門舟酒酣
耳頰熱意氣益九州夜卧相踴語狂笑雜嘲謳但恐富
貴逼肯懷貧賤憂人事信難料百戰竟不侯我老農圃
間君落天南陬相逢會稽市感歎歲月遒君從上都來
倘逢舊朋儔我窮本天命於人寧有求但念侯君房不
知尚癡不君聞拊手笑怪我狂未瘳共談平生舊只欲
苦死留如何忽決去病瘡送無由秋風墜桐葉新霜犯
貂裘君聽馬蹄聲中有千里愁

送陳德邵宮教赴行在二十韻

相從何必早白頭或如新登門雖尚疎數面自成親昨
者始見公凜然鬚如銀敗席留煮茗寒廳無雜賓平生
事賢意寸心渴生塵樂哉得所從貧病忘吟呻恭惟大
雅姿信是邦國珍廣文舊官長二紀轉鴻鈞恩仇快報

欽定四庫全書

劍南詩集
卷一

八

復禍福出笑顰同舍事容悅腰佩玉麒麟羣吏更得志
後來如積薪於時公淡如位屈道則伸法宮親決事收
召極海濱人才方雜沓公仕益遂巡欲以貴祝公公豈
慕要津欲以窮託公公豈私賤貧願欲述古誼勸公勿
愛身此又公所存豈待賤子陳高颿泊江渚歲晚風雨
頻願言添衣裘寒陰能薄人

晚泊慈姥磯下

山斷峭崖立江空翠靄生漫多來往客不盡古今情月

欽定四庫全書

劍南詩集
卷一

碎知流急風高覺笛清兒曹笑老子不睡待潮平

又

慈姥磯頭月纖纖照酒盃素秋風露重久客鬢毛催宿
鳥驚還定飛螢闔復開平生四方志老去轉悠哉

寄陳魯山

陳時調
官都下

諸公貴人識面稀胸中璀璨漫珠璣即今舉手遮西日
應有流塵化素衣舊學極知難少貶吾儕持此欲安歸
夜來風雨空堂靜忽憶燈前語入微

又

天下無虞國論深書生端合老山林平生力學所得處
政要如今不動心舊友幾年猶短褐謫官萬里少來音
願公思此寬羈旅靜勝炎曦豈易侵

戲題江心寺僧房壁

史君千騎駐霜天主簿孤舟冷不眠也與史君同快意

卧聽鼓角大江邊

是夕新永嘉
守亦宿此寺

泛瑞安江風濤貼然

欽定四庫全書

劍南詩集
卷一

俯仰兩青空舟行明鏡中蓬萊定不遠正要一颿風

平陽驛舍梅花

江路輕陰未成雨梅花欲過半沾泥遠來不負東皇意
一絕清詩手自題

渡浮橋至南臺

客中多病廢登臨聞說南臺試一尋九軌徐行怒濤上
千艘橫繫大江心寺樓鐘鼓催昏曉墟落煙雲自古今
白髮未除豪氣在醉吹橫笛坐榕陰

出縣

白白簿領不堪論
出宿聊寬久客魂
稻隴牛行泥活活
埜塘橋壞雨昏昏
槿籬護藥纔通徑
竹筧分泉自遍村
歸計未成留亦好
愁腸不用遠吳門

還縣

霽色清和日已長
綸巾蕭散意差強
飛飛鷗鷺陂塘綠
鬱鬱桑麻風露香
南陌東村初過社
輕裝小隊似還鄉
哦詩忘却登車去
枉是人言作吏忙

欽定四庫全書

劍南詩集卷一

十一

雨晴遊洞宮山天慶觀坐間復雨

近水松篁鎖翠微
洞天宮殿對清暉
快晴似為醪醑計
急雨還妨燕子飛
道士晝閒丹竈冷
山童曉出藥苗肥
拂床不用勤留客
我因文書自怕歸

寄陳魯山

平生交遊中陳子
我所敬初猶似豪
舉晚乃抱淵靜獨
觀心地初皎若虛
室鏡人知自渠事
道行君有命青衫
二十年老色上鬚
鬢偶然預收召瘦
馬趁朝請退食輒

杜門不省求捷徑
似聞石渠書雌黃
久未定丁字猶恨
曲朋字竟須正願
君試思之魚魯何
足訂

航海

我不如列子神遊
御天風尚應似安
石悠然雲海中臥
看十幅蒲鸞鸞若
張弓潮來湧銀山
忽復磨青銅飢鶻
掠船舷大魚舞虛
空流落何足道豪
氣蕩肺腑歌罷海
動色詩成天改容
行矣跨鵬背弭節
蓬萊宮

海中醉題時雷雨
初霽天水相接也

欽定四庫全書

劍南詩集卷一

十二

羈遊那復恨奇觀
有南溟浪蹴半空
白天浮無盡青吐
吞交日月湧洞戰
雷霆醉後吹橫笛
魚龍亦出聽

溪行

蓬弱鳴春雨帆蒲
掛莫煙買魚尋近
市覓火就隣船愁
卧醒還醉灘行却
復前長年殊可念
力盡逆風牽

又

冒雨牽何急爭風
力不餘逢人問虛
市計日買薪蔬煙
寺高幡出山禽一
老鋤枕書醒醉裏
短髮不曾梳

自來福州詩酒殆廢北歸始稍稍復飲至永嘉括
蒼無日不醉詩亦屢作此事不可不記也

尊酒如江綠春愁抵草長但令閒一日便擬醉千場柳
弱風禁絮花殘雨漬香客遊還役役心賞竟茫茫

東陽道中

風軟烏帽送輕寒雨點春衫作碎斑小吏知人當著句

先安筆硯對溪山

東陽觀醑釀

欽定四庫全書

劍南詩集
卷一

十三

福州正月把離杯已見醑釀壓架開吳地春寒花漸晚
北歸一路摘香來

送李德遠寺丞奉祠歸臨川

送騎擁東城煙帆如鳥輕道行端有命身隱更須名肝
食煩明主邊沙暗舊京臨分一襟淚不獨為交情

送王嘉叟編修出佐南昌

玉殿求衣早鸞臺退食遲君看多故日寧是棄言時小
作南州計方觀急詔追歸來上霄漢莫遣此心移

送王龜齡著作赴會稽大宗丞

有越踰千載何人不宦遊向來惟一范真足壯吾州高
躅今誰繼先生獨再留登堂吊興廢想像氣橫秋

又

大將上兵符軍容備掃除恭惟陛下聖方采直臣書忽
報分司去還尋入幕初宗藩雖舊識莫遣得親疎

送杜起莘殿院出守遂寧

羽檄聯翩晝夜馳臣憂顧不在邊陲軍容地密寧當議

欽定四庫全書

劍南詩集
卷一

十四

陛下恩深不忍欺白簡萬言幾慟哭青編一傳可前知
平生所學今無負未歎還鄉兩鬢絲

和曾待制遊兩山

翰林碑立崔嵬上待制詩題杳靄間人天八萬四千堦
便合推為第一山

右題育王山明月堂

疎鐘迎客到溪亭碧瓦朱欄相照明想得松陰排萬衲
籃輿放處恰詩成

右題天章山宿鷺亭

攀石捫蘿到更幽玲瓏咫尺嬾窮搜旁人不會當時意
為欠門生作伴遊

右題天章山更幽亭且以未到玲瓏為恨

雨中出遊夜歸

小雨南山路今朝思出遊難從子規請寧遣竹雞憂野
店寒饒柿煙津晚喚舟歸來對燈火未恨溼衣裘

謝李平叔郎中問疾

欽定四庫全書

劍南詩集

十五

吏部朝回早幽人病始蘇過門迂問訊歌枕聽傳呼緣
瘦重裁帽因衰學染鬚投詩發公笑試想此形模

聞武均州報已復西京

白髮將軍亦壯哉西京昨夜捷書來閨餘敢作千年計
天意寧知一日回列聖仁恩深雨露中興赦令疾風雷
懸知寒食朝陵使驛路梨花處處開

喜小兒輩到行在

阿綱學書蚓滿幅阿繪學語鸛鸛木截竹作馬走不休

小車駕羊聲陸續書窗浣壁誰忍嗔嗟嘯也復可憐人

却思鐵馬飲江水敢道春風無戰塵傳聞敵棄兩京走
列城爭為朝廷守從今父子見太平花前飲水勿飲酒
病起寄曾原伯兄弟

意象殊非昨筋骸劣自持衰如霜後木愁抵盎中絲風
雪書來少江山夢到遲出門還惘惘倚杖獨移時

送湯岐公鎮會稽

吳越東西州浙江限其中黃旗高十丈大舟凌虛空都

欽定四庫全書

劍南詩集

十六

人送留守郡吏迎相公江心波濤壯帳下鼓角雄樂哉
公何憾廷論則未同永懷前年秋羣寇方嘯光閭左發
薊北戈船滿山東舊盟顧未解誰敢嬰其鋒公時立殿
上措置極雍容南荒竄驕將京口起元戎舊勲與宿貴
屏氣聽指蹤規模一朝定強寇終歸窮當時謂易耳未
見回天功及今始大服咨嗟到兒童天心佑社稷主聖
肖祖宗旌節早來朝笑談折遐衝

周洪道學士許折贈館中海棠以詩督之

嫋嫋柔絲不自持
夏禁日久與風吹
仙家見慣渾閒事
乞與人間看一枝

送七兄赴揚州帥幕

初報邊烽照石頭
旋聞鐵馬集瓜州
諸公誰聽芻蕘策
吾輩空懷畎畝憂
急雪打窗心共碎
危樓望遠涕俱流
豈知今日淮南路
亂絮飛花送客舟

閏二月二十日遊西湖

西湖二月遊人稠
鮮車快馬巷無留
梨園樂工教坊優

欽定四庫全書

劍南詩稿 卷一

十七

絲竹悲激雜清謳
追逐下上莫始休
外雖狂醒樂則不
豈知吾輩淡相求
酒肴取具非預謀
青梅苦筍助獻酬
意象簡樸足鎮浮
尚慙一官自拘囚
未免足馬從兩駒
南山老翁亦出遊
百錢自挂竹杖頭

劉太尉挽歌辭

要荒忘覆育
師旅備非常
南服夏旄節
中軍鑄印章
馳書諭燕趙
開府冠侯王
赫赫今何在
門庭冷似霜
要荒

又

堅壁臨江日人疑
制敵疎安知百萬賊
銳盡決旬餘智
出常情表功如定計
初云何媚公者不置篋中書

過林黃中食柑子有感學宛陵先生體

博士得黃柑甚愛不忍擘
持獻太夫人遠附海上舶
故山饒氛霧可使酒盃窄
豈無荔枝好饜飫恐不摘相去
三千里無異娛旁側乃知母子意
夏遠未嘗隔我昨往
見君從容弄書冊藥分臘劑香
茶泛春芽白王意顧未
厭筐筥自搜索敢謂甘旨餘亦及
此下客霜包纔三四

欽定四庫全書

劍南詩稿 卷一

十八

氣可壓千百重是慈孝物不敢吐
其核甘寒雖遠齒悲感已橫臆
半生無歡娛初不為湮阨

玉牒所迎駕望見周洪道舍人

自卜河橋宅清談喜屢陪
今年見騰蹕不恨老氛埃
曉放宮門鑰霜彫輦路槐
班回獨小立為待繡鞍來

送梁諫議

湖海還朝白髮生
嬾隨年少事聲名
極知憂國人誰及
細看無心語自平
歸訪鄉人忘位重
乍辭言責覺身輕

籃輿避暑雲門寺應過幽居聽水聲

游有菴居在雲門
流泉遠屋諫議舊

所愛
賞

以石芥送劉韶美禮部劉比釀酒勁甚因以為戲
古人重改陽城驛吾輩欣聞石芥名風味可人終骨骭
尊前真見魯諸生

又

長安官酒甜如蜜風月雖佳嬾舉觴持送盤蔬還會否
與公新釀關端方

欽定四庫全書

劍南詩集

十九

出都

重入修門甫歲餘又攜琴劍返江湖乾坤浩浩何由報
犬馬區區正自愚緣熟且為蓮社客伴來喜對草堂圖
西廂屋了吾真足高枕看雲一事無

曾原伯屢勸居城中而僕方欲自梅山入雲門今
日病酒偶得長句奉寄

借得僧房似釣船兼旬散髮醉江天酒能作病真如此
窮乃工詩却未然閒似白鷗雖自許健如黃犢已無緣

秋高更欲移家去先葺雲門屋數椽

村居

富貴功名不擬論且浮舴艋寄煙村生憎快馬隨鞭影
寧作癡人記劍痕樵牧相諳欲爭席比鄰漸熟約論婚
晨春夜績吾家舊正要遺風付子孫

看山

小葺茆茨紫翠間今年偷得半年閒門前木落須霜曉
且看西南一角山

欽定四庫全書

劍南詩集

二十

夏夜泛舟書所見

山房猶復畏炎蒸長掩柴門媿老僧兩槳去搖東浦月
一龕回望上方燈驚飛宿鳥時呼侶騰起長魚有脫罾
夜半歸來步松影真成赤腳踏層冰

秋陰

陂澤秋容淡郊原曉氣清雨來鳩有語社近燕無情拄
杖扶腰痛漁舟照眼明苦吟緣病輟隨意或詩成

盆池

門外江濤湧雪堆埋盆作沼亦何哉兒曹不解渠翁意
新脫風波峻處來

此從人覓酒皆酸薄戲作此詩

酒盡聊憑折簡求不知人要博涼州牆隅棄置空三歎
露下螢飛奈此秋

買魚

卧沙細肋何由得出水纖鱗却易求一夏與僧同粥飯
朝來破戒醉新秋

欽定四庫全書

劍南詩稿
卷一

又

兩京春薺論斤賣江上鱸魚不直錢斫膾擣齏香滿屋
雨窗喚起醉中眠

秋雨

漫道秋來雨那無一日晴只供高枕卧不放小窗明書
冊頻開闔山瓢任濁清長年諳世味不是故逃名

晨起偶題

城遠不聞長短更上方鐘鼓自分明幽居不負秋來睡

末路偏諳世上情大事宜堪重破壞窮人難與共功名
風爐歛鉢生涯在且試新寒芋糲羹

悲秋

煙草淒迷八月秋荒村絡緯戒衣裘道人大欠修行力
平地閒生爾許愁

寄張真父舍人

諸公方衮袞無地著斯人萬里夔州守中朝禁省臣孤
帆秋上峽五馬曉班春想見懷明主登臨白髮新

欽定四庫全書

劍南詩稿
卷一

又

天上紫薇省鶯花繞直廬逢時身鼎貴憂國鬢先疎顚
顛元當棄牽聯也得書猶能下榻否擬卜瀝西居

幽居

翳翳桑麻巷幽幽水竹居紉縫一獠婢樵汲兩蠻奴雨
挾清砧急籬懸野蔓枯鄰村有鬻子吾敢歎空無

法寶理師求竹軒詩

南軒竹色映谿光不減吾州五月涼猶恨秋來鷗鷺少